

## CONVOCATORIA DE PRAZAS DE “CORRESPONDENTES UNIVERSITARIOS” NA UNIVERSIDADE DA CORUÑA. CURSO 2018/2019

A Universidade da Coruña (UDC) fai pública a convocatoria de prazas de “*Correspondentes Universitarios*” na UDC

### OBXECTO DO PROGRAMA DE “CORRESPONDENTES UNIVERSITARIOS”

O obxecto da aplicación do programa de “*Correspondentes Universitarios*” na Universidade da Coruña é difundir a información xerada desde a Dirección Xeral de Xuventude, Participación e Voluntariado (DXXPV) da Consellería de Política Social da Xunta de Galicia, entre o alumnado da Universidade da Coruña, favorecendo a participación dos mozos e mozas tanto na elaboración como na difusión da información entre iguais.

### REQUISITOS DAS PERSOAS SOLICITANTES

Todas as persoas solicitantes dunha praza de “*Correspondente Universitario*” deberán cumprir os seguintes requisitos:

1. Estar matriculado e ao corrente do pagamento no curso 2018/2019 na Universidade da Coruña en estudos oficiais de grao.
2. Non estar en posesión nin reunir os requisitos legais para a expedición dun título universitario na data de finalización do prazo de presentación da solicitude da convocatoria, agás se a dita titulación é o requisito académico para continuar os estudos na Universidade da Coruña.
3. Os “*correspondentes universitarios*” deberán manter a condición de estudantes dalgunha das titulacións oficiais de grao que se imparten na Universidade da Coruña durante todo o curso 2018/2019.
4. A perda da condición de estudante dalgunha das titulacións oficiais de grao que se imparten na Universidade da Coruña supoñerá o cesamento automático do seu posto de “*correspondente universitario*” e a perda dos dereitos que este leva consigo.

### FORMALIZACIÓN DAS SOLICITUDES

A solicitude, segundo o modelo do anexo I, deberase acompañar a seguinte documentación:

- No caso de estudantes matriculados en primeiro por primeira vez, certificación académica de estudos universitarios previos á súa matrícula na UDC, se procede.
- Carta de motivación para a solicitude da praza, recomendándose incluír, coa xustificación correspondente, as actividades extra académicas realizadas.

Presentarase nos rexistros desta universidade, dirixidas ao Servizo de Estudantes, nas seguintes localizacións:

- a) Rexistro Xeral: Reitoría, rúa da Maestranza 9, baixo, 15001 A Coruña.
- b) Rexistro Auxiliar: Campus A Zapateira - Facultade de Ciencias, baixo, 15071 A Coruña.
- c) Rexistro Auxiliar de Ferrol: Edificio de Apoio ao Estudo, baixo, 15403 Ferrol

## **COMISIÓN DE SELECCIÓN E CRITERIOS DE AVALIACIÓN**

A Comisión de Selección estará constituída pola vicerreitora de Estudantes, Participación e Extensión Universitaria, polo adxunto de Participación, dous membros do Servizo de Estudantes e un representante dos estudantes no Consello de Goberno da UDC.

Para a selección dos “*correspondentes universitarios*” terase en conta o expediente académico e a carta de motivación presentada. O número de prazas asignadas a cada centro son as indicadas no Anexo II. Por motivos organizativos, os estudantes seleccionados poden ser asignados a centros diferentes aos que estean matriculados, sempre coa súa aceptación previa.

Publicarase no taboleiro electrónico da Universidade da Coruña (TEO) unha listaxe provisoria de persoas admitidas e excluídas e abrirase un prazo de cinco días hábiles para presentar reclamacións. Transcorrido este prazo, procederase á resolución da adxudicación das prazas e á súa publicación no TEO.

Contra a resolución, as persoas interesadas poderán interpoñer un recurso de alzada perante o reitor no prazo dun mes a partir do día seguinte ao da publicación desta resolución.

## **FUNCIÓNS DOS “CORRESPONDENTES UNIVERSITARIOS”**

Ás funcións dos “*correspondentes universitarios*” son as seguintes:

- Xestionar un taboleiro informativo no que haberá información sobre temas de interese para a xuventude e difundir a información no centro no que estuda.
- Difundir a información sobre os distintos programas e iniciativas para a xuventude que haxa no portal <https://xuventude.xunta.es> e/ou aquela outra que reciban a través dos medios ao seu alcance: redes sociais, compañeiros da residencia, facultades, etc., e que sexa de interese para eles.
- Asistir ás reunións de coordinación que se convoquen, así como aos cursos de formación organizados pola DXXPV e destinados aos correspondentes xuvenís.
- Aquelas outras que supoñan a mellora na achega de información á mocidade.

## **BENEFICIOS DOS “CORRESPONDENTES UNIVERSITARIOS”**

As persoas que actúen como “*correspondentes universitarios*” terán os seguintes beneficios:

- Recibirán gratuitamente formación en materia de información xuvenil.
- Recibirán gratuitamente o carné xove, o carné internacional e o carné de alberguista durante o ano escolar no que estean como correspondentes.

- Recoñeceráselles a través dun certificado o tempo dedicado como “*correspondentes universitarios*”, así como a experiencia e competencias adquiridas a través do certificado de educación non formal en materia de xuventude.
- A vicerreitoría de Estudantes, Participación e Extensión Universitaria expediralles unha certificación que acredite a participación no programa “*Correspondentes Universitarios*” para a solicitude de créditos, ata un máximo de 3 ECTS, coa correspondencia de 1 crédito por cada 10 horas, por participación en actividades universitarias.
- Asignaráselles un titor da Universidade que coordinará e orientará as súas actividades en colaboración cos coordinadores do programa designados pola Consellería.

## **PRAZO DE SOLICITUDE**

O prazo de solicitude será dende a publicación desta convocatoria até as 14.00 h. do día 16 de novembro.

A Coruña, 25 de outubro de 2018.

A vicerreitora de Estudantes, Participación e Extensión Universitaria

Margarita Amor López

**ANEXO I**



Vicerreitoría de Estudantes, Participación  
e Extensión Universitaria  
UNIVERSIDADE DA CORUÑA

**PROGRAMA DE “CORRESPONDENTES UNIVERSITARIOS”**

**CURSO 2018/2019**

**SOLICITUDE DE PRAZA**

**D.N.I. nº:** \_\_\_\_\_

**NOME E APELIDOS:** \_\_\_\_\_

**ENDEREZO FAMILIAR:** \_\_\_\_\_

**CORREO ELECTRÓNICO:** \_\_\_\_\_

**POBOACIÓN:** \_\_\_\_\_ **CÓDIGO POSTAL:** \_\_\_\_\_

**TELÉFONO:** \_\_\_\_\_

**CENTRO ONDE ESTÁ MATRICULADO:** \_\_\_\_\_

**TITULACIÓN:** \_\_\_\_\_

**A CORUÑA/FERROL, \_\_\_\_\_ DE \_\_\_\_\_ DE 2018**

**ASDO:** \_\_\_\_\_

**DOCUMENTACIÓN QUE DEBE ACHEGARSE A SOLICITUDE**

- Certificación académica de estudos universitarios previos á súa matrícula na UDC, se procede
- Carta de motivación

**SERVIZO DE ESTUDANTES**

## ANEXO II

### NÚMERO DE PRAZAS DE "CORRESPONDENTES UNIVERSITARIOS" POR CADA CENTRO

CENTRO	Nº
ETS DE ARQUITECTURA	3
ETS DE ENXEÑARÍA DE CAMIÑOS, CANAIS E PORTOS	2
ETS DE NÁUTICA E MÁQUINAS	2
ESCOLA UNIVERSITARIA DE ARQUITECTURA TÉCNICA	2
FACULTADE DE CIENCIAS	3
FACULTADE DE CIENCIAS DA COMUNICACIÓN	1
FACULTADE DE CIENCIAS DA EDUCACIÓN	5
FACULTADE DE CIENCIAS DA SAÚDE	1
FACULTADE DE CIENCIAS DO DEPORTE E A E.F.	3
FACULTADE DE DEREITO	3
FACULTADE DE ECONOMÍA E EMPRESA	5
FACULTADE DE FILOLOXÍA	2
FACULTADE DE FISIOTERAPIA	1
FACULTADE DE INFORMÁTICA	3
FACULTADE DE SOCIOLOXÍA	2
ESCOLA POLITÉCNICA SUPERIOR	2
ESCOLA UNIVERSITARIA DE DESEÑO INDUSTRIAL	1
ESCOLA UNIVERSITARIA POLITÉCNICA	1
FACULTADE DE CIENCIAS DO TRABALLO	1
FACULTADE DE ENFERMARÍA E PODOLOXÍA	2
FACULTADE DE HUMANIDADES E DOCUMENTACIÓN	1